

TEZAUR LITURGIC

27 NOIEMBRIE

**SLUJBA
SOBORULUI
SF.NOI MUCENICI
ȘI MĂRTURISITORI
AI
RADONEJULUI**



**MINEIUL PE NOIEMBRIE
MOSCOVA**



МЕСЯЦА НОЕМВРИЯ В 27-Й ДЕНЬ

Собор новомучеников и исповедников Радонежских

НА ВЕЛИЦЕЙ ВЕЧЕРНИ

На Господи, возвах: стихиры, глас 6.

Подобен: Все отложше:

Все отложивше мирское пристрастие,/
новомученицы и исповедницы Радонежстии,/
Христа всем сердцем возлюбили есте/ и, взявше крест свой,/
Тому последовали есте невозвратным помыслом./
Сего ради, благодать восприемше,/
изгнания и узы темничныя,/
бедствия, лишения, глад и хлад,/
и мучения телесная претерпели есте/ и веру
Православную сохранили есте./ Ныне же, с
преподобным Сергием/ во славе Богу предстояще,/
молите спастися душам нашим.

Все мирское мудрование отринувше,/
святии новомученицы Радонежстии,/
в вертограде духовнем дома Святыя Троицы учившии и учившиися,/
Христа Премудрость Божию возлюбили есте,/
мудрость бо Небесная/ чиста, мирна, кротка, благопокорлива,/
нелицемерна и несумненна,/
еюже исполнившись,/
Христа небаязненно проповедали есте/ и венц

страдания восприяли есте./ Ныне же, с преподобным
Сέργием/ во славе Богу предстояще, // молите
спастися душам нашим.

Все упование на Бога возложивше,/ святии
новомученицы Радонежстии,/ священницы
достоблаженнии,/ яко истиннии служителие Бога
живаго,/ во дни разорения Троицкого лавры/ во
окрестных храмах жертву безкровную приносили
есте,/ паству без попечения не оставляюще,/ о
беззаконных же молилися есте:/ Господи, прости им,/ не
ведят бо что творят./ Ныне же, с преподобным
Сέργием/ во славе Богу предстояще, // молите
спастися душам нашим.

Всею душею Бога возлюбивше,/ святии
новомученицы Радонежстии,/ посреде мирскаго
мятежа/ во всяцем роде и звании/ во благочестии
пожили есте./ Во дни же гонений лютых,/ покрова и
заступления преподобнаго Сергия взыскующе,/ града
его не оставили есте/ и, добре Церкви Православней
послуживше,/ яко истиннии мученицы и
исповедницы пострадали есте./ Ныне же, со святым
аввою/ во славе Богу предстояще, // молите
спастися душам нашим.

Слава, глас тойже:

Измлада постническому житию навык,/ отче
преподобне Крониде,/ во обитель Святыя Троицы
вселился еси/ и истинный ученик преподобнаго

Сѣргія явѣлся еси./ Тѣсным путѣм иноческим
послѣдуя,/ удобѣ възшел еси во обитель Небѣсную,/
идеже воздаяніе трудов твоих/ и венец неувядаемый
пріѣл еси./ Тѣмже молися вкупе с преподѣбным
Сѣргіем,/ еже святѣй Лавре утверждѣнной быти// и
душам нашим спастися.

И ныне, Знаменія, глас тойже:

Веселитесь, людие,/ и вси православнии собори
великаго Новѣграда днесь,/ и руками восплещѣте,
языцы, с весѣлием:/ се бо Царица, Царя Христа
рождающая,/ святителю явѣся чудным образом,/
дерзати народом повелевая,/ якоже некий воевода;/
в печали сущим тогда радость сотвори,/ сопротивных
победивши./ И Тебѣ, радость рождшей всем, любвию
вопиѣм:// Дѣво Пречистая, моли спастися душам
нашим.

Вход. Прокімен дне. И чтѣнія мученическая.

На литіи стихи́ра хра́ма.

Сла́ва, святы́х, глас 5:

Приидѣте, людие,/ новомучеников и исповѣдников
Радо́нежских пѣсньми и пѣнии восхва́лим,/ честную
па́мѣть их соверша́юще и глаго́люще:/ раду́йтесь,
оте́чества на́шего пресла́внии свети́льницы,/
раду́йтесь, яко кровь свою́ за Христа проли́яли есте́,/
раду́йтесь, яко узким путѣм на Не́бо возшли́ есте́,/

ра́дуйтеся, я́ко с преподо́бным Сѣ́ргием предстоите
Пресвяте́й Тро́ице,/ Ю́же непреста́нно моли́те//
дарова́ти душа́м на́шим мир и ве́лию ми́лость.

И ны́не, Зна́мения, глас 6:

Се день изба́вления на́шего наста́,/ и сме́рти
премене́ние,/ ра́дуйтеся, собо́ри, днесь ве́ликаго
Нова́града,/ и веселя́щися торже́ству́йте:/ и́же бо на
нас подви́гшиися,/ коне́чне Богора́нными я́звами
уязви́шася./ Те́мже Пречи́стей, и из Нея́ нетле́нно
воплоще́нному Сло́ву вопи́ем:/ Иису́се всеси́льне,/
моли́твами ро́ждшия Тя,// спаси́ всех нас, я́ко
милосе́рд.

На стихо́вне стихи́ры, глас 2.

Подобе́н: До́ме Евфра́фов:

Святи́и сродни́цы на́ши,/ Небе́снии предста́телие,/
те́плии моли́твенни́цы,/ ча́да Сѣ́ргия преподо́бнаго,//
моли́теся о нас ко Го́споду.

Стих: Воззва́ша пра́веднии,// и Го́сподь услы́ша
их.

Земле́ избра́нная,/ Ма́ковец издревле имену́емая,/
собо́ром му́ченик све́тло украше́нная,/ досто́йно
весели́ся и ра́дуйся// в сей день пресла́внаго
 торже́ства.

Стих: Че́стна́ пред Го́сподем// сме́рть
преподо́бных Его́.

Преподобномучениче Крони́де,/ ве́рный
прее́мниче а́ввы Серге́я,/ нача́льниче ли́ка
новомученик,/ в землѣ Радо́нежстей
подвиза́вшихся,/ / с ни́ми моли́ся о нас ко Го́споду.

Сла́ва, глас то́йже:

Те́плии на́ши засту́пницы,/ Радо́нежстии
му́ченицы и испове́дницы,/ Правосла́вныя ве́ры
побо́рницы/ и Святы́я Тро́ицы ве́рнии служи́телие,/ /
моли́теся о е́же спасти́ся нам.

И ны́не, Зна́мения, глас 8:

Мня́щися непокори́вии/ от основа́ния разори́ти
град Твой, Пречи́стая,/ не разуме́вше по́мощь Твоею́,
Влады́чице;/ но си́лою Твоею́ низложе́ни бы́ша,/ на
бежа́ние устремля́хуся,/ и я́коже ю́зами желе́зными,
слепото́ю связа́ни бы́вше,/ и мра́ком, я́коже дре́вле
Египет, объ́яти не разуме́вше,/ до́ндеже и коне́чне
побежде́ни бы́ша./ Те́мже чи́стою ве́рою сла́вим Тя,/
и Сы́ну Твоему́ любе́зно вопие́м:/ моли́твами
ро́ждшия Тя,/ Иису́се всеси́льне, неизрече́нная
радо́сте,/ сохраня́й град Твой невреди́м,/ / я́ко
милосе́рд и Человеколю́бец.

Тропа́рь, глас 5:

Новомученицы и испове́дницы землѣ
Радо́нежския,/ ве́рная ча́да Серге́я преподо́бнаго,/
вы, гоне́ний лю́тых не убо́явшися,/ ве́ры ра́ди до́бре
подвиза́стеся/ и страда́ния Христа́ ра́ди

претерпѣсте./ Тѣмже нынѣ в Небѣсных черто́зах
пробы́ваете/ и просла́ваете Трѡи́цу
Живона́чальную, // Ю́же мо́лите спа́стися ду́шам
на́шим.

НА УТРЕНИ

По 1-м стихослѡвii седа́лен, глас 2:

Вѣ́лия вѣ́ры испра́вления,/ во изгна́нии и го́рьких
рабо́тах ново́мученицы и испове́дницы
Радо́нежстии,/ я́ко в ра́й сла́дости, любве́ Бо́жия
приобща́хуся,/ и́мже преподо́бный Сѣ́ргий кре́пкий
защѣ́тник явля́шеся./ Тех моли́твами, Христе́ Бо́же,
спаси́ ду́ши на́ша.

Сла́ва, и ны́не, Зна́мения, глас 4.

Подобѣн: Яви́лся еси́ днесь:

О́чи мы́сленныя очи́стивше, приидѣ́те, ли́цы
вели́каго Нова́града, днесь,/ торже́ству́им свѣ́тло,
чтѹ́ще Богоотрокови́цу, добро́ту Иа́ковлю,/ и Невѣ́сту
всех Царя́ Хри́ста́ Бо́га на́шего:/ Сия́ бо показáся
Не́бо, и кра́сная пала́та, и храм одушевле́нный,/ и
Сея́ си́лою проти́вныя побежда́ем.

По 2-м стихослѡвii седа́лен, глас 8:

Я́ко мученики и испове́дники и́стинныя,/
восхва́лим, вѣ́рнии, до́брыя па́стыри ста́да Хри́сто́ва/
вкѹ́пе с бра́тиєю оби́тели Святы́я Трѡи́цы и учи́тели

вертограда духо́вного и тако́ им возопи́йм:/
ра́дуйтеся, преле́сть безбо́жия до́блественне
обличившии,/ ра́дуйтеся, за Христа́ страда́ния
претерпе́вшии,/ Ему́же моли́тесь согреше́ний
оставле́ние дарова́ти/ праж́днующим любо́вию святу́ю
па́мять ва́шу.

Сла́ва, и ны́не, Зна́мения, глас 1.

Подобен: Гроб Твой, Спа́се:

Пречи́стая Твоя́ ико́на, Богоро́дице Де́во,/
врачевство́ граду́ Твоему́ дарова́ся духо́вное,/ к
не́йже приходя́ще покланя́емся и честву́ем,/ и от
жела́ния се́рдца целу́ем, исцелений́ благода́ть
почерпа́юще,/ и недут́ телесных, и душе́вных
страсте́й, Твоими́ моли́твами свобожда́емся.

Велича́ние:

Велича́ем вас,/ святии́ новомученицы́ и
испове́дницы Радо́нежстии,/ и чтим честна́я
страда́ния ва́ша,/ яже за Христа́// претерпе́ли есте́.

Псалом избранный: Бог нам Прибе́жище и Си́ла:

По полиеле́и седа́лен, глас 1:

Яви́ся стране́ на́шей новомучеников́ и
испове́дников Радо́нежских па́мать,/ све́та и́стинно
испо́лнена и заре́ю благода́ти облистáема./ Христос́
бо, Со́лнце све́тлое, свы́ше просия́в от Восто́ка,/ собо́р
и́стинных Свои́х свиде́телей в муче́ниях укрепи́,/

воплощёние Его исповѣдавший и страданьями
засвидѣтельствовавший./ Вси ўбо, вѣроу Рождество
Христово благочестно чтуще,/ воспеваем хвалу
предпразднственную.

Слава, и ныне, Знамения, глас 8.

Подобен: Повеленное:

Яже Небес превышши сущи,/ и Херувим войстину
славнейши,/ и всея твари честнейши, Дѣво
Пречистая,/ днесь благодарственная раби Твои
приносим образу честнаго Твоего подобия:/ Ты бо
странную побѣду, и дивное одолѣние граду Твоему
даровала еси./ Тѣмже согласно поюще, вопиѣм Ти:/
Владычице Богородице,/ моли Христа Бога грехов
оставлѣние даровати,/ Тебѣ бо надежду имамы раби
Твои.

Степенна, 1-й антифон 4-го гласа.

Прокимен, глас 4: Пройдохом сквозѣ огонь и воду, //
и извел еси ны в покой. Стих: Разжѣгл ны еси, якоже
разжизается сребро. Всякое дыханіе: Евангелие от
Матфея, зачало 36 (10, 16–22).

По 50-м псалмѣ стихира, глас 6:

Приидите, вернии,/ новомученики и исповѣдники
Радонежския почтим,/ ти бо во дни гонений
безбожных/ образ благочестиваго житія показаша,/
вѣру Православную исповѣдаша/ и страданія за

Христа́ мужественне восприя́ша./ Ны́не же во Ца́рствии Небе́сном,/ с преподо́бным Сёргием Бо́гу предстоя́ще,/ приле́жно мо́лятся спасти́ся душа́м на́шим.

Кано́н, глас 8

Песнь 1

Ирмо́с: Колесни́цего́нителя́ фарао́ня погрузи́,/ чудотвори́й иногда́/ Моисе́йский жезл, крестообра́зно порази́в,/ и раздели́в мо́ре,/ Изра́иля же беглеца́, пешехо́дца спасе́,/ песнь Бо́гови воспева́юща.

Припе́в: Пресвята́я Тро́ице, Бо́же наш, сла́ва Тебе́.

Благослове́н еси́, Христэ́ Бо́же наш,/ И́же новому́ченики Радо́нежския в на́шей Це́ркви явле́й,/ низпосла́в им в страда́ниях Ду́ха Свята́го,/ и те́ми прославле́й Отца́ Небе́снаго,/ Человеколю́бче, сла́ва Тебе́.

Го́споди, Бо́же наш, при́сно прославля́й святы́я Твоя́,/ ны́не и нас, недосто́йных,/ сподо́би просла́вити святы́х предста́телей на́ших,/ новому́чеников и испове́дников Радо́нежских.

Весели́ся, земле́ Радо́нежская,/ торже́ствуйте, лю́бящии оби́тель Сёргиеву:/ днесь моли́твами святы́х новому́чеников гоне́ние на ве́ру и Це́рковь Бо́жию преста́,/ и и́мя Святы́я Тро́ицы досто́должно прославля́ется.

Богорóдичен: Якоже живу Мáтерь Слóва видевше
Тя суемóудренных многóчисленное во́инство,/ якоже
бо́дренного блюсти́теля, на забра́лех обсто́йму
ве́рными,/ а́бие ру́це их с прóчими у́ды ослабе́ша.

Песнь 3

Ирмо́с: Утвержде́й в нача́ле Небеса́ ра́зумом,/ и
зе́млю на вода́х основа́вый,/ на ка́мени мя, Христе́,
за́поведей Твои́х утверди́,/ я́ко несть свят па́че Тебе́,
Еди́не Человеколю́бче.

Припе́в: Святíи новомóченицы и испове́дницы
Радо́нежстии,/ моли́те Бо́га о нас.

Принесём, ве́рнии, похвалу́ преподобномóченику
Крони́ду,/ иже, я́ко до́брый ко́рмчий, бра́тию оби́тели
Сéргиевы му́дре упра́ви / и страда́ньми за Христа́
жити́е свое́ увенча́.

От Бо́жия Мáтере в ю́ности науче́нный поще́нием
чти́ти страда́ния Сы́на Ея́,/ на ка́мени за́поведей
Госпо́дних жити́е твоё́ утверди́л еси́,
преподобномóчениче Крони́де,/ и да́же до сме́рти
му́ченически пострада́л еси́.

А́ще и изгна́н бысть безбо́жники из оби́тели,/ о́баче
крест и́гуменства не оста́вил еси́,
преподобномóчениче Крони́де./ Те́мже, бра́тию
гонимую́ утеша́я и наставля́я,/ лю́бовь Христо́ву пред
мучи́тели испове́дал еси́.

Богорóдичен: Ны́не наста́ день весе́лия,/ Зна́мения
ико́ны Твоея́, Де́во Богороди́тельнице,/ и пра́здник

свѣтел, егѡже совершающе, вопиѣм:/ несть
Пречистыя, паче Тебѣ, Богоневѣсто.

Седáлен, глас 1:

Учѣния безбѡжнаго не почѣтше,/ но вѣрою
и́стинною защити́вшися, новомученицы
Радо́нежстии,/ в по́двиге исповѣ́дания
просла́вистеся,/ посреде́ же страда́ний нестерпи́мых
пребыва́юще, Бо́га призыва́ете:/ ускори́, о Ще́дрый, и
потщи́ся, я́ко ми́лостив, в по́мощь на́шу,/ я́ко
мо́жеши хотя́й.

Сла́ва, и ны́не, Зна́мения, глас 8.

Подобен: Премудрости:

Я́же дре́вле проро́ки проповѣ́дася дверь Небе́сная,/
неопали́мая купина́, свѣ́щник многосвѣ́тлый,/ злата́я
кади́льница, ру́чка и жезл,/ пресла́вно днесь чу́дному
святите́лю явля́ется,/ наро́дом дерза́ти повелева́ет, и
дѣ́вную побѣ́ду показу́ет./ Те́мже благода́рная Той
возопи́им:/ Де́во Богороди́тельнице,/ моли́ Христа́
Бо́га, грехо́в оставле́ние дарова́ти нам,/ Тебѣ́ бо
и́мамы наде́жду раби́ Твой.

Песнь 4

Ирмо́с: Ты моя́ крѣ́пость, Го́споди,/ Ты моя́ и
си́ла,/ Ты мой Бог, Ты моѐ ра́дование,/ не оста́вь
не́дра О́тча,/ и на́шу нищету́ посети́в./ Тем с

проро́ком Авваку́мом зову́ Ти:// си́ле Твоёй сла́ва,
Человеколю́бче.

Дре́вних му́ченик стопа́м послéдующе,/ во дни
гонéний подви́заете́ся твёрдо,/ святи́и
преподобному́ченицы оби́тели Тро́ицкия./ Ны́не же,
лику́юще во Ца́рствии Бо́жии,/ Христу́, укре́плшему
вы, подви́жете нас вызы́ати:// си́ле Твоёй сла́ва,
Человеколю́бче.

Лик преподобному́чеников Ра́донежских
ублажа́юще,/ просла́вим Тро́ицу Живонача́льную,/ Ея́же
оби́тель ны́не свéтло красу́ется,/ и с любóвию
Бо́гу возопи́им:// си́ле Твоёй сла́ва, Человеколю́бче.

Хвалу́ Единосу́щней Тро́ице ны́не принося́ще,
мо́лим вас, преподобному́ченицы:/ помози́те нам дух
братолю́бия, терпе́ния и смире́ния стяжа́ти,/ единомы́слие храни́ти и с чи́стым се́рдцем вызы́ати://
си́ле Твоёй сла́ва, Человеколю́бче.

Богоро́дичен: Собо́ри ве́рных и вся́ко состоя́ние
челове́ческое весели́тся,/ совоку́пльшися в честнё́м
хра́ме Твоём,/ зря́ще в нем, я́коже пресвётлое со́лнце,
честны́й о́браз Твой, Влады́чице.

Песнь 5

Ирмо́с: Вску́ю мя отрёнул еси́/ от лица́ Твоего́,
Свёте Незаходи́мый,/ и покры́ла мя есть чужда́я тьма,
окая́ннаго?/ Но обрати́ мя, и к свéту за́поведей
Твои́х// пу́ти моя́ напра́ви, молю́ся.

Истинней мѹдрости слѡвом учаще своя ученикѹ,
 новомѹченицы и исповѣдницы Радонежстии,/
 ученикѹ аввы Сѣргия дѣлом себѣ явилѹ естѣ,/
 страданѹми проповѣдующе Христа, Бѡжию Силу и
 Премѹдрость.

Яко истиннии учителие, новомѹченицы
 Радонежстии,/ вѣре и благочѣстию ученикѹ научили
 естѣ,/ и с вѣрою несумнѣнною Христѹ последовали
 естѣ,/ смиривше себѣ даже до смѣрти.

Свѣше назирающе, мѹченицы славнии,/ с
 любѡвию ходатайствуйте о нас, пѡмѡть вѡшу
 совершающих,/ и небѣсныя мѹдрости испросите нам
 у Дароподателя Всевышняго.

Богорѡдичен: Тя богѡтство неистощимое и́мамы и
 исцелѣний истѡчник/ вѣрою прибегающѹи храму
 Твоемѹ,/ идѣже пребывает честный ѡбраз Твой,
 Владычице.

Песнь 6

Ирмос: Очи́сти мя, Спа́се,/ мно́га бо беззакѡнѹя
 моя́,/ и из глубины́ зол возведѹ, молю́ся,/ к Тебѣ бо
 возопѹх, и услы́ши мя,/ / Бѡже спасѣния моего́.

Возста́вленѹя чѹна патриѡршаго в Цѣркви Рѹсстей
 ревни́тель быв, священномѹчениче Илариѡне,/
 Патриѡрху исповѣднику во всем помѡщник явилѹся
 еси́/ и лжепоновѹтелей чѹна Церковнаго обличи́л
 еси́,/ тѣмже и Христа́ со дерзновѣнием исповѣдал еси́,
 во ѹзах Того́ прославляя.

Любомудрию отцев синайских поучаяся,/ по́двигом добрым подви́зася еси́, священномучениче Иоа́нне,/ ра́зум же и́стине Христо́вой покорив,/ па́стве о́браз чистоты́ и благоче́стия яви́л еси́/ и кро́вию мученическою жити́е твоё запечатле́л еси́.

Ве́лие попече́ние о ве́ре и благоче́стии при́сно име́я, мучениче Иоа́нне,/ потща́лся еси́ во дни разоре́ния Ла́вры мо́щи преподо́бнаго Сёргия от поруга́ния сохра́нити./ Сего́ ра́ди ны́не с ним во Ца́рствии Бо́жии лику́еши.

Богоро́дичен: Честну́ю ико́ну Твою́ ра́достным се́рдцем и душе́ю облобыза́ем, веселя́щемся,/ и, те́плою ве́рою прикаса́ющемся, исцеле́ние почерпа́ем.

Конда́к, глас 3:

Я́ко цвёти кра́снии и благоуха́ннии,/ святи́и новомученицы и испове́дницы,/ зе́млю Ра́донежскую украси́сте,/ ю́же Сёргий преподо́бный жити́ем просла́ви./ С ни́мже моли́тесь ко Го́споду,/ е́же во и́стинней ве́ре нам ходи́ти// и спасти́ся душа́м на́шим.

И́кос:

Су́щая в ми́ре возненави́дев,/ преми́рная и нетле́нная селёния, отцы́ богомудрии, стяжа́ли есте́,/ и венце́м по́чести, я́ко победи́тели, увенча́лись есте́,/ моли́твами ва́шими всех покрыва́юще, восхваля́ющих вас си́це:/ ра́дуйтесь, преподобномученицы,/ я́ко

Христа́ всем се́рдцем возлюбивше,/ Тому́
невозвратным по́мыслом да́же до сме́рти послéдовали
естé;/ ра́дуйтесь, наста́вницы вертогра́да духо́внаго,/
я́ко Христа́, Прему́дрость Бо́жью, и́стинно и
небоя́зненно пропове́дали естé;/ ра́дуйтесь,
священномученицы,/ я́ко во дни разоре́ния оби́тели
Тро́ицкия/ во окрестных хра́мах же́ртву безкро́вную
приноси́ли естé;/ ра́дуйтесь, святíи,/ я́ко во вся́чем
ро́де и зва́нии до́бре Це́ркви Правосла́вней послужи́ли
естé;/ ра́дуйтесь, новомученицы и испове́дницы
Радо́нежстии,/ я́ко ны́не с преподо́бным Се́ргием во
сла́ве Бо́гу предстоя́ще,/ мо́лите спасти́ся ду́шам
на́шим.

Песнь 7

Ирмо́с: Бо́жия снизхожде́ния/ огонь устыде́ся в
Вавило́не иногда́./ Сего́ ра́ди о́троцы в пещи́,
ра́дованною ного́ю,/ я́ко во цвётнице, ликую́ще,
по́яху:// благослове́н еси́, Бо́же оте́ц на́ших.

Па́стырь до́брый и служи́тель ве́рный яви́лся еси́,
преподобномучени́че Маври́кие,/ те́мже, от
богобо́рцев до сме́рти пострада́в,/ мучени́ческий
вене́ц с Васи́лием сла́вным от Христа́ восприя́л еси́./
С ни́мже, предстоя́ Престо́лу Госпо́дню, помина́й нас,
чту́щих святу́ю па́мять твою́.

Во оби́тели Тро́ицтей преподобномучени́ку
Крони́ду сыно́вне послужи́л еси́, свя́те Ксенофо́нте,/
та́же, мно́гая испытáния и темни́чная заключéния

претерпѣв,/ вкупе с ним пострадати за Христа
сподобился еси./ Ныне же во обителях Небесных
радостно ликуете.

Яко злато в горниле искушен быв,
священнодиаcone Феофане,/ богоборцев нечестивых
не убоялся еси,/ и яко воин непобедимъ являлся,/
венѣц славы от Бога приял еси./ Емуже, во славе
Небесней ныне предстоя, молися о душах наших.

Богородичен: Светоносная благодать и исцеления
дарование/ дадеся граду Твоему образ Твой,
Пречистая,/ егоже любезно облобызаяще, веселимся.

Песнь 8

Ирмос: Седмерицею пещь,/ халдейский мучитель,/
богочестивым неистовно разжже,/ силою же лучшею,
спасены сия видеи,/ Творцу и Избавителю вопияше:/
отроцы, благословите,/ священницы, воспойте,/
людие, превозносите во вся веки.

Мнози благочестивии, знатнии и простии,/ чающе
утешения и укрепления во дни гонений,/ под покров
преподобнаго Сергия собращася/ и удостоишася с
братией пострадати, яко вернии ученицы его.

Ревностию и любовью Божиею расплааеми,/
благочестивии людие во дни разорения Лавры
святыни ея сохраниша/ и честную главу аввы Сергия
от поругания сокрыша,/ темже и пострадати
сподобишася, яко вернии ученицы его.

Добродѣтель евангелъскаго милосѣрдїя являюще,/ в заточѣнии страждущим усѣрдно послужила еси,/ мученице Татиано преславная./ Послежде и сама, аще и естеством женѣ сущи,/ мужески пострадаѣти сподобилася еси, яко верная ученица Сѣргіева.

Богородичен: Что Ти принести, Пречистая,/ от всея твари славимей, недоумеемся, Владычице,/ точию еже Гавриил нас научи:/ радуйся, Обрадованная.

Песнь 9

Ирмос: Ужасѣся о сем Небо,/ и земли удивѣшася концы,/ яко Бог явися человеком плотики,/ и чрево Твое бысть пространнейшее Небес./ Тем Тя Богородицу,/ Ангелов и человек чиновачалия величают.

Светися, светися, гора Маковец,/ слава бо Господня на тебе возсия./ Ликуй ныне и веселися обитель Сѣргіева,/ днесь бо лик новомучеников твоих хвалу Троице Живоначальной возносит.

Ни скорбь, ни теснота, ни гонение,/ ни горькия работы, ни узы, ни самая смерть/ возмогоша разлучити вас, новомученицы Радонежстии, от любви Божия,/ но, молитвами аввы Сѣргия вся терпяще,/ благодарение Богу присно возносили есте.

О, Троице Честная,/ прими, яже земля Радонежская приносит Ти,/ яко начатки и яко фимиам избранный,/ вся Богу угодившая и прежде,

и по́слежде в ней,/ и зна́емья, и незна́емья,/ и
моли́твами их от вся́каго вре́да нас сохра́няй.

Богоро́дичен: Дѣвства Твоего́ зна́мения невре́димо
сохрани́в, Сло́во Бо́жие, из Тебе́ проше́д,/ сохрани́
град Твой невре́дим, Де́во Всепѣ́тая,/ да Тя
непреста́нно велича́ем.

Свети́лен:

И́же во свѣ́те живы́й непристу́пнем и содержа́й
вся́ческая,/ за благоутро́бие неизрече́нное от Де́вы
ражда́ется/ и пелена́ми повива́ется, я́ко Младене́ц./
Волсви́ гряду́т в Вифле́ем на покло́нение Ему́,/ с
ни́миже и собо́р новому́чеников Ра́донежских
поспеша́ет,/ страда́ния и испове́дания своя́
принося́ще вопло́щемуся Бо́гу, я́коже да́ры.

Сла́ва, и ны́не, Зна́мения.

Подобен: Посети́л ны е́сть:

Возжелѣ́в Твоея́ добро́ты Иису́с, Пречи́стая,/ в Тя
всели́ся, и Тебе́ засту́пницу граду́ Твоему́ Сло́во Бо́жие
дарова́,/ его́же сохра́няй заступле́нием Твои́м
при́сно,/ я́ко да Тя ублажа́ем, пренепоро́чная
Отрокови́це.

На хвали́тех стихи́ры новому́чеником, глас 8.

Подобен: О, пресла́внаго чудесе́:

О, пресла́внаго чудесе́!/ Царя́ Небе́снаго избра́нная
дружи́но,/ свя́тии новому́ченицы Ра́донежстии,/ на

ка́мени ве́ры жити́е сво́е утверди́ли естé/ и, лю́тая
гонéния ниво́чтоже вмени́вше,/ кро́вь свою́ за Христа́
проли́яли естé./ Ны́не же, в Небе́сных оби́телях
пребыва́юще/ и райскаго блаже́нства
наслажда́ющеся,/ / мо́литеся о душа́х на́ших.

О, пресла́внаго чудесé!/ Досто́йнии ученицы́
Христа́ Архипа́стыря,/ свя́тии новомуче́ницы
Радо́нежстии,/ ничто́же вас разлучи́ от любве́
Бо́жия,/ те́мже и па́ству Христо́ву возлюб́или естé/ и
Же́ртву Безкро́вную о всех и за вся приноси́ли естé./
Ны́не же и́стее Сея́ причаща́етеся/ в невече́рном дни
Ца́рствия Бо́жия/ / и мо́литеся о душа́х на́ших.

О, пресла́внаго чудесé!/ Де́лателие вертогра́да
духо́внаго,/ свя́тии новомуче́ницы Радо́нежстии,/
ю́ная сердца́ и умы́ просвеща́юще,/ уче́ние Христо́во
насажда́ете/ и о́браз терпе́ния показáете./ Ны́не же в
вертогра́де Небе́сном/ райския пи́щи
наслажда́етеся/ / и мо́литеся о душа́х на́ших.

О, пресла́внаго чудесé!/ Ве́рная ча́да Бо́жия,/
свя́тии новомуче́ницы Радо́нежстии,/ лишéния,
изгна́ния и мучéния претерпéвше,/ твёрдостью́ ве́ры
мучи́тели посра́мите/ и си́лою Христо́вою си́лу
вра́жию препобеди́те./ Ны́не же Престо́лу Бо́жию во
сла́ве предстои́те,/ мучени́ческими венцы́
украше́ннии,/ / и мо́литеся о душа́х на́ших.

Сла́ва, глас то́йже:

Прииді́те, празднолю́бцы,/ святы́я новому́ченики
Радо́нежския духо́вне почти́м,/ ти́и бо во дни гоне́ний
лю́тых/ во мра́це нече́стия и безбо́жия,/ я́ко зве́зды,
возсия́ша/ и ве́ру Правосла́вную утверди́ша,/ ихже
по́двиги оби́тель Святы́я Тро́ицы красу́ется,/
духо́вный вертогра́д плодоно́сит/ и хра́ми окрестни́и
утвержда́ются./ Сего́ ра́ди благода́рне Христу́ Бо́гу
возопи́им:// Ты еси́ му́чеников похва́ла и побе́да,
Всеси́льне.

И ны́не, Зна́мения, глас то́йже:

Мня́щися непокоривии/ от основа́ния разори́ти
град Твой, Пречи́стая,/ не разуме́вше по́мощь Твою́,
Влады́чице;/ но си́лою Твое́ю низложе́ни бы́ша,/ на
бежа́ние устремля́хуся,/ и я́коже ю́зами желе́зными,
слепото́ю связа́ни бы́вшие,/ и мра́ком, я́коже дре́вле
Египет, объ́яти не разуме́вше,/ до́ндеже и коне́чне
побежде́ни бы́ша./ Те́мже чи́стою ве́рою сла́вим Тя,/
и Сы́ну Твоему́ любе́зно вопи́ем:/ моли́твами
ро́ждшия Тя,/ Иису́се всеси́льне, неизрече́нная
ра́досте,/ сохраня́й град Твой невреди́м,// я́ко
милосе́рд и Человеколю́бец.

НА ЛИТУРГИИ

Блаже́нны от канона́, пе́сни 3-я и 6-я.

Проки́мен, глас 7: Бог нам Прибе́жище и Сила.

Стих: Помощник в скорбех, обрѣтших ны зело.

Апостол к Римляном, зачало 99 (гл. 8, 31–39).

Аллилуия, глас 4: Воззваша праведнии, и Господь услыша их, и от всех скорбей их избави их.

Стих: Многи скорби праведным, и от всех их избавит я Господь.

Евангелие от Луки, зачало 105–106. Конѣц: В терпении вашем стяжите душа ваша: (гл. 21, 8–19).

Причастен: Радуйтесь, праведнии, о Господе, правым подобает похвала.

**[Утверждена Священным Синодом Русской
Православной Церкви
25.12.2012 (журнал № 162)]**

